



Broj: 01-50-1-15-9/15
Sarajevo, 25.3.2015.

| | | | |
|--|-----------------------|------------|--------------|
| BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO | | | |
| PRIMLJENO: 13-04-2015 | | | |
| Organizaciona jedinica | Klasifikaciona oznaka | Redni broj | Broj priloga |
| | | | |

ZAPISNIK
9. sjednice Predstavničkog doma
Parlamentarne skupštine Bosne i Hercegovine,
održane 25. 3. 2015.

Sjednica je počela u 10,05 sati. Prisustvovalo je 40 poslanika.¹

Odsustvo sa sjednice opravdali su Nikola Špirić i Željko Komšić.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a i EUSR-a. Također, sjednicu su pratili predstavnici britanske ambasade, a iz nevladinih organizacija prisustvovao je predstavnik CCI-ja.

Predsjedavajući Doma Šefik Džaferović rekao je da su u pripremi ove sjednice Doma održane sjednice Ustavnopravne komisije, Komisije za saobraćaj i komunikacije i Komisije za vanjske poslove, a zatim je podsjetio na izmjene i dopune dnevnog reda sjednice Doma, kako slijedi:

U dnevni red dodata je:

- **Tačka 5.** Prijedlog odluke o iznosu RTV takse, predlagač: Komisija za saobraćaj i komunikacije, broj: 01/5-29-1247/14, od 23.3.2015.

S ranijeg dnevnog reda skinuta je:

- **Tačka 3.** Prijedlog zakona o dopuni Izbornog zakona BiH, predlagač: poslanik Damir Arnaut, zakon broj: 01-02-1-2/15, od 23.2.2015. (prvo čitanje). Ova tačka skinuta je odlukom Kolegija u proširenom sastavu na jučer održanoj sjednici, a rok za dostavu mišljenja Ustavnopravne komisije produžen je za 20 dana.

Nakon ovih napomena, predsjedavajući je otvorio raspravu o dnevnom redu sjednice.

Damir Arnaut je, u ime poslanika iz Kluba SBB-a, predložio dopunu dnevnog reda tačkom: Prijedlog zaključka o upućivanju zahtjeva Predsjedništvu BiH da obavijesti Dom o pitanjima vezanim za Prijedlog ugovora o državnoj granici između Bosne i Hercegovine i Crne Gore.

Nikola Lovrinović predložio je da se s dnevnog reda skinu tačke:

- Davanje saglasnosti za ratifikaciju Sporazuma o zajmu (Zajam za razvojnu politiku poslovnog ambijenta) između Bosne i Hercegovine i Međunarodne banke za obnovu i razvoj, broj: 01,02-05-2-362/15, od 10.3.2015. i

¹ Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a.

- Davanje saglasnosti za ratifikaciju Ugovora o zajmu (Projekat vodosnabdijevanja Gradačac) između Bosne i Hercegovine i Međunarodne banke za obnovu i razvoj, broj: 01,02-05-2-377/15, od 13.3.2015.

Podsjetio je da zaključak Doma, usvojen na 6. sjednici Doma, održanoj 11.2.2015., još uvijek nije ispoštovan. Zaključak glasi: „Zadužuje se predlagač (Vijeće ministara BiH) da u vezi s potvrđama međunarodnih sporazuma koji se odnose na finansijska zaduženja po bilo kojem osnovu poslanicima do naredne sjednice na kojima će biti razmatrani slični sporazumi dostavi sljedeće informacije:

- 1) koje su obaveze - posljedice za državu nakon što ove sporazume potvrdi i omogućiti njihovo provođenje, s posebnim naglaskom na neprovođenje od domaćih vlasti;
- 2) broj do sada potvrđenih sporazuma, koji se još provode ili će se provoditi;
- 3) ukupan iznos novca koji je ratificiran navedenim sporazumima.“

Staša Košarac je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH.

U raspravi o dnevnom redu učestvovali su Denis Bećirović i Hanka Vajzović.

Nakon rasprave, pristupilo se izjašnjavanju o prijedlozima za izmjene i dopune dnevnog reda, redoslijedom predlaganja.

Prijedlog poslanika iz Kluba SBB-a za dopunu dnevnog reda tačkom: Prijedlog zaključka o upućivanju zahtjeva Predsjedništvu BiH da obavijesti Dom o pitanjima vezanim za Prijedlog ugovora o državnoj granici između Bosne i Hercegovine i Crne Gore, usvojen je s 21 glasom „za“ (iz Federacije BiH 15, iz Republike Srpske šest), 14 „protiv“ i jednim „suzdržanim“ glasom. Predsjedavajući je konstatirao da će ovo biti 13. tačka dnevnog reda.

Prijedlog Nikole Lovrinovića za skidanje s dnevnog reda tačaka koje se tiču davanja saglasnosti za ratifikaciju sporazuma i ugovora nije usvojen – „za“ je glasalo pet poslanika (iz Federacije BiH četiri, iz Republike Srpske jedan), „protiv“ 27, a četiri poslanika bila su „suzdržana“.

Prijedlog poslanika iz Kluba SNSD-a: Staše Košarca, Lazara Prodanovića, Nikole Špirića, Milice Marković, Miroslava Milovanovića, Dušanke Majkić i Jovana Vukovljaka za dopunu dnevnog nije usvojen – pet poslanika glasalo je „za“ (iz Republike Srpske), 29 „protiv“, a dva poslanika bila su „suzdržana“.

Predsjedavajući je konstatirao da 9. sjednica Predstavničkog doma ima sljedeći

DNEVNI RED

1. Usvajanje Zapisnika 8. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona izmjenama i dopunama Zakona o sportu u BiH, predlagač: poslanik Denis Bećirović, zakon broj: 01-02-1-3/15, od 26.2.2015. (prvo čitanje);
4. Izvještaj komisije Klegija o nastojanju za postizanje saglasnosti o poslaničkoj inicijativi Denisa Bećirovića, podnesenoj na 6. sjednici Doma, održanoj 11.2.2015., koja glasi: „Na osnovu člana 8. Poslovnika Predstavničkog doma Parlamentarne skupštine

Bosne i Hercegovine, podnosim poslaničku inicijativu kojom se zadužuje Vijeće ministara BiH da u 2015. godini pripremi i u parlamentarnu proceduru dostavi Prijedlog zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.“, akt broj: 01-50-1-253/15, od 11.2.2015.;

5. Prijedlog odluke o iznosu RTV takse, predlagač: Komisija za saobraćaj i komunikacije, broj: 01/5-29-1247/14, od 23.3.2015.;
6. Prijedlog odluke o imenovanju članova Komisije za odlučivanje o sukobu interesa, predlagač: Zajednički kolegij oba doma Parlamentarne skupštine BiH, broj: 01,02-34-1-397/15, od 17.3.2015.;
7. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta, predlagač: Zajednički kolegij oba doma Parlamentarne skupštine BiH, broj: 01,02-34-1-401/15, od 17.3.2015.;
8. Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje zamjenika direktora Agencije za zaštitu ličnih podataka BiH, predlagač: Zajednički kolegij oba doma Parlamentarne skupštine BiH, broj: 01,02-34-1-400/15, od 17.3.2015.;
9. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-399/15, od 17.3.2015.;
10. Prijedlog odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-398/15, od 17.3.2015.;
11. Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje dva člana Ureda za razmatranje žalbi i članova filijala u Banjoj Luci i Mostaru, predlagač: Zajednički kolegij oba doma Parlamentarne skupštine BiH, broj: 01,02-34-1-402/15, od 17.3.2015.;
12. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-404/15, od 17.3.2015.;
13. Prijedlog zaključka o upućivanju zahtjeva Predsjedništvu BiH da obavijesti Dom o pitanjima vezanim za Prijedlog ugovora o državnoj granici između Bosne i Hercegovine i Crne Gore, predlagači: poslanici iz Kluba SBB-a, akt broj: 01-50-1-429/15, od 25.3.2015.;
14. Davanje saglasnosti za ratifikaciju Sporazuma o zajmu (Zajam za razvojnu politiku poslovnog ambijenta) između Bosne i Hercegovine i Međunarodne banke za obnovu i razvoj, broj: 01,02-05-2-362/15, od 10.3.2015.;
15. Davanje saglasnosti za ratifikaciju Ugovora o zajmu (Projekat vodosnabdijevanja Gradačac) između Bosne i Hercegovine i Međunarodne banke za obnovu i razvoj, broj: 01,02-05-2-377/15, od 13.3.2015.

Ad. 1. Usvajanje Zapisnika 8. sjednice Predstavničkog doma Parlamentarne skupštine BiH

Predsjedavajući je rekao da je poslanicima dostavljen Zapisnik.

Nije bilo primjedbi na Zapisnik.

Zapisnik 8. sjednice usvojen je jednoglasno - s 33 glasa "za" (iz Federacije BiH 27, iz Republike Srpske šest).

Ad. 2. Komentari na dobivene odgovore na poslanička pitanja

Predsjedavajući je podsjetio da su do ove sjednice dostavljeni sljedeći odgovori:

- Na pitanje Jasmina Emrića, postavljeno u usmenoj formi na 6. sjednici Doma, odgovor je dostavilo Vijeće ministara BiH,
- Na pitanja Aleksandre Pandurević, postavljena u usmenoj formi na 8. sjednici Doma, odgovore je dostavilo Vijeće ministara BiH (odgovori Uprave za indirektno oporezivanje BiH i Ministarstva finansija i trezora BiH),
- Na pitanje Borjane Krišto, postavljeno u usmenoj formi na 8. sjednici Doma, odgovore su dostavili Obavještajno-sigurnosna agencija BiH i Državna agencija za istrage i zaštitu BiH,
- Na pitanje Mirsada Donlagića, postavljeno u usmenoj formi na 8. sjednici Doma, odgovor je dostavilo Ministarstvo civilnih poslova BiH,
- Na pitanje Borislava Bojića, postavljeno u usmenoj formi na 6. sjednici Doma, odgovor je dostavilo Ministarstvo vanjske trgovine i ekonomskih odnosa BiH,
- Na pitanje Salka Sokolovića, postavljeno u usmenoj formi na 8. sjednici Doma, odgovor je dostavilo Ministarstvo vanjske trgovine i ekonomskih odnosa BiH (odgovor Ureda za veterinarstvo BiH).

Dobivene odgovore komentirali su: Aleksandra Pandurević, Mirsad Donlagić, Borislav Bojić, Jasmin Emrić i Borjana Krišto.

U okviru komentara, Borislav Bojić zatražio je dopunu odgovora na sljedeći način: „Dakle, ja sam dobio odgovor sa kojim sam naravno zadovoljan u načelu, no u pojedinostima zamolio bih da ovaj odgovor bude proširen, kada je u pitanju Ministarstvo spoljne trgovine i ekonomskih odnosa, odnosno Vijeće ministara, a odnosi se na Misiju FVO iz Dablina koja je, između ostalog utvrđivala stanje kada su u pitanju subjekti koji su bili predmet posmatranja od strane ove komisije, pa bi stoga molio da mi se dostave navodi, a kako se ovdje kaže da nisu dostavljeni subjekti već nalazi koji su utvrđeni. Obzirom na činjenice koje su utvrđene, zamolio bih da odgovor bude proširen i da mi se dostave nalazi koji su utvrđeni tom kontrolom, da ne objašnjavam dakle svu širinu ovog odgovora, zamolio bih da mi se ovi detalji, dakle nalazi koji su utvrđeni kod kontrole Farme Spomenka Pešić Bosansko Grahovo, Farma „Okić“ Tomislav Grad i Farmland Nova Topola, Republika Srpska. Pa vas molim da mi se dostavi, ponavljam još jednom, nalazi koji su utvrđeni prilikom te kontrole.“²

² Dio neautoriziranog transkripta 9. sjednice Doma.

Ad. 3. Prijedlog zakona izmjenama i dopunama Zakona o sportu u BiH, predlagač: poslanik Denis Bećirović, zakon broj: 01-02-1-3/15, od 26.2.2015. (prvo čitanje)

Predsjedavajući je dao uvodne napomene.

U raspravi su učestvovali: Denis Bećirović, Momčilo Novaković, Zaim Backović i Mirsad Donlagić.

„Za“ Prijedlog zakona glasala su 22 poslanika (iz Federacije BiH 21, iz Republike Srpske jedan), „protiv“ devet, „suzdržanih“ nije bilo. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o Prijedlogu zakona izmjenama i dopunama Zakona o sportu u BiH u prvom čitanju.

Ad. 4. Izvještaj komisije Kolegija o nastojanju za postizanje saglasnosti o poslaničkoj inicijativi Denisa Bećirovića, podnesenoj na 6. sjednici Doma, održanoj 11.2.2015., koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se zadužuje Vijeće ministara BiH da u 2015. godini pripremi i u parlamentarnu proceduru dostavi Prijedlog zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.“, akt broj: 01-50-1-253/15, od 11.2.2015.

Predsjedavajući je podsjetio da Kolegij Doma nije postigao saglasnost o Inicijativi. Nije bilo rasprave.

U drugom krugu glasanja, s 27 glasova „za“, pet „protiv“ (iz Republike Srpske) i bez „suzdržanih“ glasova, usvojena je poslanička inicijativa Denisa Bećirovića.

Ad. 5. Prijedlog odluke o iznosu RTV takse, predlagač: Komisija za saobraćaj i komunikacije, broj: 01/5-29-1247/14, od 23.3.2015.

Predsjedavajući je dao uvodne napomene.

U raspravi su učestvovali: Aleksandra Pandurević, Nikola Lovrinović, Saša Magazinović, Šemsudin Mehmedović, Fehim Škaljić, Momčilo Novaković, Zaim Backović, Mirsad Mešić, Borjana Krišto, Denis Bećirović, Hanka Vajzović, Šefik Džaferović i Mirsad Donlagić.

„Za“ Prijedlog odluke glasalo je 25 poslanika (iz Federacije BiH 23, iz Republike Srpske dva), „protiv“ osam, „suzdržanih“ nije bilo. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o Prijedlogu odluke o iznosu RTV takse.

Ad. 6. Prijedlog odluke o imenovanju članova Komisije za odlučivanje o sukobu interesa, predlagач: Zajednički kolegij oba doma Parlamentarne skupštine BiH, broj: 01,02-34-1-397/15, od 17.3.2015.

Predsjedavajući je u uvodnim napomenama, pored ostalog, podsjetio da je Zajednički kolegij predložio da se u Komisiju za odlučivanje o sukobu interesa iz Predstavničkog doma imenuju: Đorđo Krčmar, Borjana Krišto i Jasmin Emrić.

Damir Arnaut imao je poslovničku intervenciju, pozivanjem na član 17. stav (4) Zakona o sukobu interesa u institucijama BiH, rekavši da postoji neusaglašenost između Prijedloga zakona koji je utvrdilo Vijeće ministara BiH i teksta Zakona koji je usvojen u Parlamentarnoj skupštini BiH, a tiče se omjera u kojem moraju biti zastupljenje opozicione stranke iz Predstavničkog doma i Doma naroda u Komisiji za odlučivanje o sukobu interesa. Zatražio je da se ova intervencija, u skladu s članom 92. stav (2) Poslovnika, unese u Zapisnik.

Predsjedavajući Doma odgovorio je da je Zajednički kolegij oba doma, prilikom predlaganja poslanika i delegata za članove ove komisije, vodio računa o odredbama Ustava BiH i Poslovnika Doma te da su one ispoštovane, a da svako ima pravo na svoje tumačenje.

U raspravi su učestvovali: Hanka Vajzović, Damir Arnaut i Maja Gasal-Vražalica.

Dom je, s 23 glasa „za“ (iz Federacije BiH 17, iz Republike Srpske šest), 10 „protiv“ i bez „suzdržanih“ glasova, usvojio Prijedlog odluke o imenovanju članova Komisije za odlučivanje o sukobu interesa, predlagач: Zajednički kolegij oba doma Parlamentarne skupštine BiH. U Komisiju su imenovani poslanici: **Đorđo Krčmar, Borjana Krišto i Jasmin Emrić.**

Ad. 7. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta, predlagач: Zajednički kolegij oba doma Parlamentarne skupštine BiH, broj: 01,02-34-1-401/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Privremenu zajedničku komisiju oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta imenuju: Mensura Beganović, Nenad Lalić i Nikola Lovrinović.

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Jovan Vukovljak.
- Prijedlog poslanika Kluba SBB-a je da se imenuje Mirsad Đonlagić.
- Prijedlog poslanika Kluba DF-a je da se imenuje Mensura Beganović.

Nije bilo rasprave.

Dom je, s 24 glasa „za“ (iz Federacije BiH 18, iz Republike Srpske šest), sedam „protiv“ i jednim „suzdržanim“ glasom, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje

kvaliteta, predlagač: Zajednički kolegij oba doma Parlamentarne skupštine BiH. U Privremenu zajedničku komisiju imenovani su poslanici: **Mensura Beganović, Nenad Lalić i Nikola Lovrinović.**

Ad. 8. Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje zamjenika direktora Agencije za zaštitu ličnih podataka BiH, predlagač: Zajednički kolegij oba doma Parlamentarne skupštine BiH, broj: 01,02-34-1-400/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Privremenu zajedničku komisiju oba doma Parlamentarne skupštine BiH za imenovanje zamjenika direktora Agencije za zaštitu ličnih podataka BiH imenuju: Šemsudin Mehmedović, Momčilo Novaković i Borjana Krišto.

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Lazar Prodanović.
- Prijedlog poslanika Kluba SBB-a je da se imenuje Fehim Škaljić.
- Prijedlog poslanika Kluba DF-a je da se imenuje Damir Bećirović.

Nije bilo rasprave.

Dom je, s 23 glasa „za“ (iz Federacije BiH 17, iz Republike Srpske šest), devet „protiv“ i bez „suzdržanih“ glasova, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje zamjenika direktora Agencije za zaštitu ličnih podataka BiH, predlagač: Zajednički kolegij oba doma Parlamentarne skupštine BiH. U Privremenu zajedničku komisiju imenovani su poslanici: **Šemsudin Mehmedović, Momčilo Novaković i Borjana Krišto.**

Ad. 9. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-399/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Privremenu zajedničku komisiju oba doma Parlamentarne skupštine BiH za imenovanje jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije imenuju: Hanka Vajzović, Borislav Bojić i Monika Tomić.

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Milica Marković.
- Prijedlog poslanika Kluba DF-a je da se imenuje Maja Gasal-Vražalica.

Nije bilo rasprave.

Dom je, s 24 glasa „za“ (iz Federacije BiH 18, iz Republike Srpske šest), devet „protiv“ i bez „suzdržanih“ glasova, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za

imenovanje jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije. U Privremenu zajedničku komisiju imenovani su poslanici: **Nermina Kapetanović, Borislav Bojić i Monika Tomić** (Kolegij je u međuvremenu usaglasio korigirani prijedlog).

Ad. 10. Prijedlog odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlađač: Zajednički kolegij oba doma Parlamentarne skupštine BiH, broj: 01,02-34-1-398/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Komisiju za izbor i praćenje rada Agencije za prevenciju korupcije i koordinaciju borbe protiv korupcije imenuju: Hazim Rančić, Aleksandra Pandurević i Borjana Krišto.

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Staša Košarac.
- Prijedlog poslanika Kluba DF-a je da se imenuje Hanka Vajzović.

U raspravi su učestvovali: Damir Arnaut, Damir Bećirović i Mirsad Donlagić.

Dom je, s 24 glasa „za“ (iz Federacije BiH 18, iz Republike Srpske šest), devet „protiv“ i bez „suzdržanih“ glasova, usvojio Prijedlog odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlađač: Zajednički kolegij oba doma Parlamentarne skupštine BiH. U Komisiju su imenovane poslanice: **Hanka Vajzović, Aleksandra Pandurević i Borjana Krišto** (Kolegij je u međuvremenu usaglasio korigirani prijedlog).

Ad. 11. Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje dva člana Ureda za razmatranje žalbi i članova filijala u Banjoj Luci i Mostaru, predlađač: Zajednički kolegij oba doma Parlamentarne skupštine BiH, broj: 01,02-34-1-402/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Privremenu zajedničku komisiju oba doma Parlamentarne skupštine BiH za imenovanje dva člana Ureda za razmatranje žalbi i članova filijala u Banjoj Luci i Mostaru imenuju: Salko Sokolović, Dordo Krčmar i Vjekoslav Bevanda.

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Dušanka Majkić.
- Prijedlog poslanika Kluba SBB-a je da se imenuje Mirsad Isaković.
- Prijedlog poslanika Kluba DF-a je da se imenuje Maja Gasal-Vražalica.

U okviru ove tačke diskutirao je Mirsad Isaković.

Dom je, s 23 glasa „za“ (iz Federacije BiH 17, iz Republike Srpske šest), devet „protiv“ i bez „suzdržanih“ glasova, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za imenovanje dva člana Ureda za razmatranje žalbi i članova filijala u Banjoj Luci i Mostaru, predlađač: Zajednički kolegij oba

doma Parlamentarne skupštine BiH. U Privremenu zajedničku komisiju imenovani su poslanici: **Salko Sokolović, Đorđo Krčmar i Vjekoslav Bevanda.**

Ad. 12. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-404/15, od 17.3.2015.

Predsjedavajući je u uvodnim napomenama, pored ostalog, rekao da je Kolegij Doma predložio da se u Privremenu zajedničku komisiju oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine imenuju: **Safer Demirović, Borislav Bojić i Nikola Lovrinović.**

Prijedlozi klubova poslanika su sljedeći:

- Prijedlog poslanika Kluba SNSD-a je da se imenuje Miroslav Milovanović.
- Prijedlog poslanika Kluba SBB-a je da se imenuje Damir Arnaut.
- Prijedlog poslanika Kluba DF-a je da se imenuje Željko Komšić.

U raspravi su učestvovali Damir Arnaut i Zaim Backović.

Dom je, s 23 glasa „za“ (iz Federacije BiH 17, iz Republike Srpske šest), devet „protiv“ i bez „suzdržanih“ glasova, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, predlagač: Zajednički kolegij oba doma Parlamentarne skupštine BiH. U Privremenu zajedničku komisiju imenovani su poslanici: **Safer Demirović, Borislav Bojić i Nikola Lovrinović.**

Ad. 13. Prijedlog zaključka o upućivanju zahtjeva Predsjedništvu BiH da obavijesti Dom o pitanjima vezanim za Prijedlog ugovora o državnoj granici između Bosne i Hercegovine i Crne Gore, predlagači: poslanici iz Kluba SBB-a, akt broj: 01-50-1-429/15, od 25.3.2015.

Predsjedavajući je dao uvodne napomene.

U raspravi su učestvovali: Damir Arnaut, Momčilo Novaković, Hanka Vajzović, Salko Sokolović, Zaim Backović, Aleksandra Pandurević, Denis Bećirović i Mirsad Donlagić.

Dom nije usvojio Prijedlog zaključka o upućivanju zahtjeva Predsjedništvu BiH da obavijesti Dom o pitanjima vezanim za Prijedlog ugovora o državnoj granici između Bosne i Hercegovine i Crne Gore – „za“ je glasalo 13 poslanika (iz Federacije BiH), „protiv“ 16, a „suzdržan“ je bio jedan poslanik.

Na prijedlog Hanke Vajzović, Dom je, s 26 glasova „za“ (iz Federacije BiH 21, iz Republike Srpske pet), dva „protiv“ i četiri „suzdržana“ glasa, usvojio zaključak koji glasi:

„Zadužuje se Vijeće ministara BiH da Predstavničkom domu Parlamentarne skupštine BiH dostavi sljedeću informaciju:

Da li je, prilikom razmatranja i prihvatanja (6.11.2014.) Ugovora o granici između Bosne i Hercegovine i Crne Gore, Vijeću ministara BiH dostavljen kompletiran prateći dio Ugovora:

- *tekstualni opis protezanja granice (prilog 1)*
 - *topografska karta sa ucrtanom graničnom linijom (prilog 2)?*
- Navedeni prilozi su sastavni dio Ugovora (član 2. Ugovora).“*

Ad. 14. Davanje saglasnosti za ratifikaciju Sporazuma o zajmu (Zajam za razvojnu politiku poslovnog ambijenta) između Bosne i Hercegovine i Međunarodne banke za obnovu i razvoj, broj: 01,02-05-2-362/15, od 10.3.2015.

Nakon uvodnih napomena predsjedavajućeg, diskutirao je Mladen Bosić.

Dom nije dao saglasnost za ratifikaciju Sporazuma o zajmu (Zajam za razvojnu politiku poslovnog ambijenta) između Bosne i Hercegovine i Međunarodne banke za obnovu i razvoj – “za” je glasalo 16 poslanika (iz Federacije BiH 15, iz Republike Srpske jedan), “protiv” 16, a “suzdržan” je bio jedan poslanik.

Ad. 15. Davanje saglasnosti za ratifikaciju Ugovora o zajmu (Projekat vodosnabdijevanja Gradačac) između Bosne i Hercegovine i Međunarodne banke za obnovu i razvoj, broj: 01,02-05-2-377/15, od 13.3.2015.

Predsjedavajući je dao uvodne napomene. U raspravi su učestovali: Amir Fazlić, Zaim Backović i Jasmin Emrić.

Saglasnost za ratifikaciju Ugovora o zajmu (Projekat vodosnabdijevanja Gradačac) između Bosne i Hercegovine i Međunarodne banke za obnovu i razvoj data je s 31 glasom „za“ (iz Federacije BiH 25, iz Republike Srpske šest), bez glasova „protiv“ i dva „suzdržana“ glasa.

Sjednica je završena u 14,15 sati.

Sastavni dio Zapisnika je transkript 9. sjednice Predstavničkog doma.

SEKRETAR
PREDSTAVNIČKOG DOMA
mr. sc. Dragoljub Reljić



PREDSJEDAVAJUĆI
PREDSTAVNIČKOG DOMA
Šefik Džaferović

